



Broj: 09-04-10266/25  
Sarajevo, 07.04.2025. godine

**KANTON SARAJEVO**  
**SKUPŠTINA KANTONA SARAJEVO**  
**PREDSJEDAVAJUĆI SKUPŠTINE KANTONA SARAJEVO**

**PREDMET: Odgovor na zastupničko pitanje zastupnice Marijele Hašimbegović, dostavlja se.**  
Veza - Vaš akt broj: 01-04-10266-5/25 od 28.03.2025. godine

Na 21. radnoj sjednici Skupštine Kantona Sarajevo, održanoj 28.03.2025. godine, zastupnica Marijela Hašimbegović je u okviru tačke Dnevnog reda „Poslanička/zastupnička pitanja, inicijative i odgovori“ postavila zastupničko pitanje koje je uputila Zakonodavno-pravnoj komisiji Skupštine Kantona Sarajevo i Uredu za zakonodavstvo Vlade Kantona Sarajevo (u daljem tekstu: Ured), koje se odnosi na preispitivanje ustavnosti i zakonitosti Instrukcije o postupanju u slučaju izricanja odgojno-disciplinske mjere „isključenje iz srednje škole“ („Službene novine Kantona Sarajevo“, broj 2/25), a koju je donijelo Ministarstvo za odgoj i obrazovanje Kantona Sarajevo, ali i Saglasnosti, broj: 02-04-270-4/25, donesene od strane Vlade Kantona Sarajevo.

Naime, imenovana zastupnica, traži da se ispita da li su neke od odredbi Instrukcije neustavne ili protuzakonite, a odnose se na to da li je propisana nadležnost resornog ministra/ice da izdaje obavezujuće rješenje za upis učenika u drugu školu, nakon što je isključen iz prethodne škole, u suprotnosti sa nadležnostima rukovodioca organa uprave propisane u Zakonu o ministarstvima, da li je Instrukcija usklađena sa Evropskom konvencijom o ljudskim pravima s obzirom da Instrukcija ne poznaje institut žalbe kao pravnog lijeka, jer nije propisana dvostепенost postupka uz grubo kršenje ljudskih prava, da li je Institut za razvoj preduniverzitetskog obrazovanja Kantona Sarajevo pravno formalno mogao biti određen za davanje preporuka u koje škole će ministar rješenjem upisati učenike isključene iz srednjih škola, s obzirom na djelatnosti navedene u Odluci o osnivanju Instituta, posebno iz razloga što se šifra djelatnosti 85.3 ne nalazi u navedenoj Odluci, da li se nižim aktom od zakona mogu propisivati razlozi za razrješenje direktora javne ustanove, što je propisano u članu 5. stav (3) Instrukcije, s obzirom na Uredbu sa zakonskom snagom o ustanovama („Službeni list Republike Bosne i Hercegovine“, broj: 6/92), i to članom 33. stav (1) alineja 3., da li je Instrukcija u koliziji sa Pravilnikom o izricanju odgojno-disciplinskih mjera u osnovnim i srednjim školama, te da li je Ministarstvo za odgoj i obrazovanje Kantona Sarajevo izazivanjem ovakvog pravnog nereda ugrozilo Vladu Kantona Sarajevo s obzirom da su predlagači ovakvog nezakonitog i neustavnog dokumenta. Na kraju, između ostalog, imenovana zastupnica je postavila pitanje da li se na ovako propisani način prebacivanja učenika iz škole u školu bez mogućnosti žalbe zadovoljava najbolji interes djeteta propisan Konvencijom o pravima djeteta, često spominjan u Instrukciji i pravilnicima? Imenovana zastupnica smatra da zaštita djeteta, njegova sigurnost i prava moraju biti jasno precizirana u skladu sa drugim važećim propisima i zakonima.

U konkretnom slučaju, Ured je dana 03.01.2025. godine na osnovu člana 3. stav (2) tačka a) Uredbe o osnivanju Ureda za zakonodavstvo Vlade Kantona Sarajevo („Službene novine Kantona Sarajevo“, broj: 20/23) i člana 7. Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, broj 50/17-Dруги нови преčišćени текст, 2/18-Ispravka i 32/22) dao mišljenje, broj: 09-02-53491/24, na prijedlog Instrukcije o postupanju u slučaju izricanja odgojno-disciplinske mjere „isključenje iz srednje škole“.

S tim u vezi, na osnovu člana 3. stav (2) tačka a) Uredbe o osnivanju Ureda za zakonodavstvo Vlade Kantona Sarajevo („Službene novine Kantona Sarajevo“, broj: 20/23), Ured daje mišljenja sa stanovišta usklađenosti sa ustavom i pravnim sistemom o podnesenim prijedlozima propisa koje donosi kantonalni ministar, direktor samostalne kantonalne uprave i direktor samostalne kantonalne upravne organizacije.

Nadalje, odredbama člana 7. Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, broj 50/17-Dруги нови преčišćени текст, 2/18-Ispravka i 32/22), propisano je da, **prije donošenja**, propis ministra/ministrice, odnosno direktora/direktorice kantonalne uprave dostavlja se Uredu radi pribavljanja mišljenja o usklađenosti sa Ustavom i pravnim sistemom, dok se navedeni propis dostavlja Ministarstvu pravde i uprave Kantona Sarajevo radi pribavljanja mišljenja o usklađenosti sa Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda.

Imajući u vidu naprijed navedeno, Ured u skladu sa svojim nadležnostima ne daje mišljenje na propis nakon njegovog donošenja.

S poštovanjem,

Dostaviti:

1. Naslovu
2. Evidencija
3. Arhiva



Elma Bećirović